



Herri Urrats 91

XALBADOR IKASTEGIA

Aintzineko urteetan egin zen bezala, aurten ere Xalbador Ikastegira zuzenduko da Herri Urratsen bilduriko dirua. Ikastoletako haurrak hartzen dituen kolegio-lizeoaren eraikuntza lanak eta funtziona-

mentu gastuak oro Seaskaren gain daude oraino. Nahiz eta frantses Hezkuntza Ministeritzak oraindik errekonozitu nahi ez duen, Bigarren Maila handituz doa, maila guztiak iraganik, datorren urtean ikasbide oso bat eratzeraino. Euskarazko irakaskuntz bide horren berri zehatza

izateko hiru arduradun galdezkatu ditu EGUNKARIAk, Lilian Hirigoien, 2. Mailako dokumentalista eta Bernat Detxepare, 2. Mailako irakas-kuntzaz; Annie Kostera begiralea, barnetegiaren ibilmoldeaz eta Gexan Alfaro, Xalbador Ikastegiko lehendakaria ikastegiaren eraikuntzaz.

Beste 150 ikasleentzako lekua behar du Xalbador Ikastegiak

Irakasleei pedagogi arloan ahalegin berezia eskatzen die Bigarren Mailak

BAIONA

Seaskak lehen aldiz Bigarren Maila 6. klasearekin 1980an ireki zuen Donibane Lohizuneko ikastolan. 1981ean Baionara aldatu zuten bi urtez eta 1983ko ikasturte hasieran 'La Prairie' etxea alokatu zuen Seaskak Kanbon, 2. Mailaren ezar-tzeko.

1987an Seaskak erabaki zuen etxearen erostea. Horretarako diru bilketa egin zuen eta diru mailagoak banketxetan eskatu, urte hartako Herri Urratsen izandako emaitzak erabiliz. Inaugurazio egunean, 2. Mailaren egoitzari Xalbador Ikastegi izena eman zitzaion.

88-89 ikasturte hasieran, ikasle kopuru goititzearekin, gela berrien egitea erabaki zen eta guraso eta laguntzaileek urte guztian egindako lanei esker, 89-90ko ikasturte hasieran Xalbador Ikastegiak inauguratu zituen bost ikasgela berri eta aterbe handi bat.

Xalbador Ikastegiak berriz toki arazoak ditu. Heldu den ikasturtean berrogeitamabost ikasle gehiago sartuko dira 6. klasean. Horretarako, hiru urtetarako eraikuntza xedea dauka: beste 150 ikasleentzako tokiak eraikiko du. Udaberri honetan berean hasirik, oraino eraikuntzaren jarraipenean, egiten ditu bederatzi ikasgela, idazkaritza gela bat, irakasleen gela handi bat, bi aldagela ikuztegi eta komunekin; eta lehen estaiaren berrogeitamar ohetako barnetegia.

Xalbador Ikastegiaren finantza-



Xalbador Ikastegian diren Bigarren Mailako ikasleak.

BOB

HELDU DEN ikasturtean berrogeitamabost ikasle gehiago sartuko dira 6. klasean. Horretarako, hiru urtetarako eraikuntza xedea dauka.

HOGEI URTEZ, maila guztiak eratuak izan dira eta datorren ikasturtean aterako dira osoki Seaskak hazitako lehen batxileratuak.

keta handiena Herri Urratsetik dator eta urtero 340.000 libera ordaintzen ditu etxearen erosketagatik.

PEDAGOGI AHALEGIN BEREZIA

Hogei urtez, urratsez urrats, maila guztiak eratuak izan dira eta datorren ikasturtean aterako dira osoki Seaskak hazitako lehen batxileratuak. Gaur, Xalbador ikastegian hamaika gaztek dihardute behelaldearen lehen partea prestatzen. Ha-

maika horiek urratu bidea zabalduz doa, Kanboko ikastegiak 151 haur dauzka aurten, 200 heldu den urtean, 300 ondokoan, jadanik % 70 dira lehen mailatik seigarren euskaldunaren hautua egiten dutenak eta laster eskolaurretik sartzen diren haur guztiak Bigarren Mailatik iraganen dira. Orduan txikiegi geldituko da Kanboko etxea eta dagoeneko talde bat hasia da gogoetatzen bigarren ikastegi bat eraikitzeko Donibane-



Gexan Alfaro, lehendakaria.

BOB

Hendaiaiko eskualdean. Gurasoek ulertu dute eskolaurre eta lehen mailako emaitzak alferrikakoak liratekeela Bigarren Mailarik gabe, erraten zuen Lilian Hirigoien dokumentalistak, ondorioz, datozen urteetako ikaslegoa segurtatua duke Xalbador ikastegiak. Irakasleen biltzeko aldiz Seaskak arazo larriak ezagutu ditu. Frantzia osoan eskas dira irakasleak, bereziki zientziarako, bigarren mailarako are larriago da arazoa, diplomadunak eta euskaldunak eskatzen bait dituzte.

Bigarren Mailako irakasleen lana ez da errexenatarik. Irakasgaia menperatzeaz gain, euskaraz emateko gaitasuna eskatzen zaie. Mugaz bi aldeetako irakasgaia ez bait dira berdinak, materiale pedagogikoa bere sortu beharra dute gehienetan.

Klasea euskaraz ematea ezezik, pedagogi arloan ere indar berezi bat egiten dute Seaskako irakasleek. Ikasbide horretan irakaslea sahiatzen da ahalik eta hobekien egokitzaren bere irakaspene ikasle bakoitzaren beharrei.

Hogei tamairu ikasle daude barnetegian

SENPERE

1982an sortu barnetegiak zortzi ikasle baldin bazituen, aurten hogei tamairu daude; erdiak etxetik urrun direlakoan, gaineratikoak edo garrario arazoak dituztelakoan edo berek hautatu dutelakoan barnetegian egoitea. Toki eskasez logelak ikasgeletako egoitza berean dira, ikasleak beren haurtura 2/3 nazka dauden 12 logeletan ematen dira.

Ibilmoldea bi begiralek denbora osoz segurtatzen dute eta arratseko afariarentzat sukaldari bat dago. Barnetegiaren ibilmoldea frantses ikastetxeetako barnetegiaren ibilmolde-tarik arras bereizten da. Annie Kosterak dioen bezala «ibilmolde orokorra urte hastapenean eta urtean zehar ikasle, guraso, irakasle eta begiraleen artean egin bilkuretan finkatzen da. Ikasleak ez dira bakarrik hor ikasteko eta lo egiteko. Barnetegiaren dinamika denek elgarrekin eramaten dugu. Ikasleek osoki parte hartzen dute barnetegiko bizian garbiketa egite edo aktibitate antolatze izan dadin».

Araudietarik nagusia da «bakoitzak errespetatu dezan bere ingurumenean duen guzia».

Familiek barnetegian bakarrik janaria ordaintzen dute, logelak urririk dira. Barnetegia 2. Mailari osoki lotua da «guk begiraleek harreman jarraiki bat atxikitzen dugu ikasle, irakasle eta gurasoekin».

Bizia barnetegiaren giro on batean dabil «ikasle batzuek aspalditik elgar ezagutzen dute, biziki maite dute barnetegia, askok eskatzen dute barnetegian izatea baina toki eskasez aurten zazpi ikasle ez ditugu hartu ahal izan. Helduden ikasturterako jada hamazazpi galdera berri badi-tugu».

SINDIKATO

TABERNA

Magdalena, Tfnoa.: 524938
ORERETA

AMAXKAR

TABERNA

Giro ezin hobea
Manuel Lekuona, 1. OIARTZUN

HAMABOST

TABERNA

GIRO JATORRA

Konstituzioa, 15 DONOSTIA

Irrintzi

TABERNA

MARTXARIK HOBERENA
Kapitan enea kalea, 4 ORERETA

Amaia

KOSMETIKA NATURALA

Urbietan 55 / DONOSTIA / Tfn.: 45 13 94



HOTEL JATETXEA

GURUTZE - BERRI

-EZKONTZAK
-BANKETEA
-GELA PRIBATUAK
-EGUNEKO BAZKARIAK...

Tfnoak: (943) 49 06 25 - 49 10 37
OIARTZUN / GIPUZKOA